



ОЗАРБАЙЖОН ПРЕЗИДЕНТИ ДАВЛАТ ТАШРИФИ БИЛАН ЎЗБЕКИСТОНДА БЎЛАДИ

Ўзбекистон Республикаси Президенти Шавкат Мирзиёевнинг таклифига биноан Озарбайжон Республикаси Президенти Илҳом Алиев 22-23 август кунлари давлат ташрифи билан мамлакатимизда бўлади.

Ташриф дастурига мувофиқ, Тошкент шаҳрида Ўзбекистон ва Озарбайжон етакчилари раислигида олий даражадаги музокаралар ва Давлатлараро олий кенгашининг биринчи мажлиси ўтказилиши режалаштирилган.

Саммит кун тартибидан Ўзбекистон — Озарбайжон стратегик шериклик ва кўп қиррали ҳамкорлик муносабатларини янада чуқурлаштириш ва кенгайтириш масалалари ўрин олган.

Ўзаро товар айирбошлашни кўпайтириш, кооперация лойиҳаларининг янги

портфелини шакллантириш, ишбилармонлик алоқаларини, шу жумладан, ҳудудлараро алмашинуви ривожлантириш, транспорт-коммуникация салоҳиятини рўйга чиқариш, маданий-гуманитар алоқаларни фаоллаштириш ва бошқа масалалар диққат марказида бўлади.

Президентлар икки мамлакат бизнеси вакиллари билан учрашув ўтказиши, қатор ишбилармонлик ва маданий тадбирларда иштирок этиши ҳам кўзда тутилган.

ЎЗА

Ўзбекистон — Озарбайжон:

ДЎСТЛИК ВА ҲАМКОРЛИК АЛОҚАЛАРИНИНГ МУСТАҲКАМ ПОЙДЕВОРИГА АСОСЛАНГАН ФАОЛ МУЛОҚОТ

Президент Шавкат Мирзиёевнинг таклифига биноан Озарбайжон Президенти Илҳом Алиев 22-23 август кунлари давлат ташрифи билан Ўзбекистонда бўлади.



Озарбайжон — мамлакатимизнинг Жанубий Кавказдаги стратегик ҳамкори ва қардош давлат ҳисобланади. Ўзбекистон ва Озарбайжон қадимий ва янги тарихда ҳамisha яқин ҳамкорлик олиб борган бўлиб, дўстона муносабатларни сақлаб келмоқда.

Ўзбекистоннинг халқаро ҳамкорлари орасида Озарбайжоннинг алоҳида ўрни борлиги мамлакатларимиз ўртасидаги олий ва бошқа даражадаги фаол мулоқотдан далолат беради.

2022 йилда Озарбайжон Президенти Ўзбекистонга уч марта — июнь ойида давлат ташрифи билан, сентябрь ойида ШХТга аъзо мамлакатлар давлат раҳбарлари саммитида иштирок этиш учун ва ноябрда Туркий давлатлар ташкилотига аъзо мамлакатлар давлат раҳбарлари саммитида иштирок этиш учун келди.

► Давоми 2-бетда

ХАЛҚАРО САЙЛОВ КУЗАТУВИ

ИНСОН ҲУҚУҚЛАРИНИ ТАЪМИНЛАШ ВА ДЕМОКРАТИК РИВОЖЛАНИШ ЙЎЛИДАГИ ИСЛОҲОТЛАРНИНГ ХОЛИС МЕЗОНИ

Кун мавзуси

Юртимиз бугунги кунда инсон ҳуқуқлари бўйича саксондан ортқ халқаро ҳужжатларга қўшилган ва халқаро ҳуқуқнинг тўла ҳуқуқли субъекти сифатида халқаро мажбуриятлар, халқаро ҳуқуқнинг умумэтироф этилган принциплари ва нормаларини изчил амалга ошириб келмоқда.

Жумладан, демократик сайловларни ўтказиш, ушбу жараён иштирокчиларининг ҳуқуқ ва эркинликларини таъминлаш ҳамда ҳимоя қилиш соҳасида ҳам замонавий ҳуқуқий асослар яратилган ва давр талабидан келиб чиқиб такомиллаштирилмоқда. Шу кунларда мамлакатимиз парламенти ва маҳаллий кенгашларга бўлиб ўта-

диган сайловларга тайёргарлик жараёнида бу жиҳатлар яққол намоён бўлаётди.

Халқаро сайлов кузатуви ушбу сиёсий жараённинг энг муҳим бошқичларидан биридир. Жорий йилда бўлиб ўтадиган сайловга тайёргарлик доирасида халқаро кузатувчиларни таклиф этиш жараёни ҳам бошлаб юборилди.

► Давоми 4-бетда

БУЮК ЎЗБЕК ЙЎЛИ

КЕЧАГИ КУН ХАТОЛАРИ — БУГУНГА САБОҚ



Август ойи охирамоқда. Бундан қарийб етти йил муқаддам, шундай кунларда “пахта терими”га тадорик қирилиб, қишнинг қириқли кунларигача пахта даласидан бери келмас эканмизда, деган ҳадик ҳаммамизнинг юрагимизни хавотирга соларди.

Негаки, талабалар ўқиш ўрнига йилнинг тўртдан бир қисмини пахта далаларида ўтказарди. Чекка ҳудудларда пахта теримчиси бўлмаса, талабалар автобусларда ташилиб, эски уйлар ва ташландиқ биноларда яшашга мажбур қилинарди. Кузнинг рутубатли кунлари захри ва кўсақлар чаноғидан талабаларнинг қўллари қадоқ бўлиб, бармоқлари ёрилиб кетарди. Уша кезларда баъзи талабалар пахтага чиқмагани учун ўқидан ҳайдалишгача борган. У пайтлар инсон қадрли туғул ёшлар келажagini, тақдирини белгилувчи таълим сифатига ҳам бефарқ қаралар эди, десак хато бўлмайди.



Чиндан ҳам аграр сиёсат учун сифатли таълимдан кўра, пахта терими долзарб масала бўлган. Мамлакат тараққиёти учун ўқувчилар, талабаларнинг таълим олиши эмас, пахта хирмонлари, яъни жаҳон бозорига пахта хомашёси етказиб бериш устувор аҳамиятга эга эди. Ўзимиз мустақил мамлакат бўлсак-да, эскича

маъмурий бошқарув, эскича қарашлардан воз кечолмагандик.

Бундан ўз манфаати йўлида фойдаланган ташқи манбалар Ўзбекистонни фуқароларини эксплуатация қилувчи аграр давлат сифатида қоралаб, бонг урарди. Натижада бойкот эълон қилиниб, Ўзбекистонга инвесторлар томо-

нидан инвестициялар киритилмади, бунинг оқибатида саноат суст ривожланди, демографик ўсишга нисбатан кўшимча қиймат яратилмади. Бу ҳолатни мустақил давлатда иқтисодий турғунлик даври деб аташ мумкин.

► Давоми 3-бетда

Биз ва дунё

Суҳайл бин Муҳаммад ал-Мазруий:

“ЎЗБЕКИСТОН ПРЕЗИДЕНТИНИНГ САЪЙ-ҲАРАКАТЛАРИ МАМЛАКАТНИНГ ИЖТИМОЙ-ИҚТИСОДИЙ МАНЗАРАСИНИ ТУБДАН ЎЗГАРТИРИБ, УНИ ТАРАҚҚИЁТ САРИ ЙЎНАЛТИРДИ”

БАА энергетика ва инфратузилма вазири Суҳайл бин Муҳаммад ал-Мазруий “Дунё” ахборот агентлиги учун интервью берди.

Ўзбекистон ва Бирлашган Араб Амирликлари ўртасидаги кўп қиррали муносабатлар сўнгги йилларда барча соҳаларда жадал ривожланиб бормоқда. Савдо-иқтисодий ва инвестициявий шерикликни янада мустаҳкамлаш бўйича саъй-ҳаракатлар давом эттирилиб, товар айирбошлаш ҳажми, қўшма корхоналар ва тўғридан тўғри авиақатновлар сони ошиб бораётти.

► Давоми 2-бетда

Кўнгилдаги битиклар

АЗАЛИЙ ҚАРДОШЛИКНИНГ АДАБИЙ РИШТАЛАРИ

Ўзбекистон Туркий давлатлар ташкилотига аъзо бўлгач, қардош халқлар билан ҳамкорлик алоқаларимиз янада мустаҳкамланди. Айниқса, адабиёт, маданият ва санъат жабҳаларида тамомила янги давр бошланди, дейиш мумкин.



Президентимиз Шавкат Мирзиёев ташаббуси билан нашр этилган “Туркий адабиёт дурдоналари” мажмуасининг барча туркий халқлар китобхоналари, ижодкор зиёлилари томонидан катта мамуният билан қутиб олингани, тақдирот маросимлари зўр хурсандчилик ва тантаналар билан ташкил этилаётгани ҳам бежиз эмас. Зеро, ушбу муҳташам мажмуа ер юзиде қарийб 300 миллион нуфусга эга туркий халқларнинг кўп минг йиллик муштарак тарихи, бой маданияти, ўлмас қадриятлари, бадий-эстетик тафаккурини умумий ном остида ўзида мужассам этган бебаҳо ва бетакрор адабий хазинадир. Миллионлаб қалбларни бир-бирига боғлайдиган энг қудратли маънавий

кўприк бўлиши адабиёт туфайли бугун халқларимиз ўртасидаги қардошлик ришталари тобора мустаҳкамланмоқда.

Яқинда Ўзбекистон Ёзувчилар уюшмаси томонидан чоп этилган қирғизистонлик таниқли адиб ва жамоат арбоби Султон Раевнинг “Танланган асарлар”и ҳам (Султон Раев. Танланган асарлар. Тошкент, “Адабиёт” нашриёти, 2024 йил) мазкур адабий ва абадий дўстлик, қардошлик алоқаларининг ривож топиб бораётганига яна бир ёрқин далил бўлди.

► Давоми 6-бетда



